

Вечером 13 июня

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Менѣ ждѹт праведницы, дѡндеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Стѹх: Да бѹдут ѹши Твоѹ внѣмлюще гласу молѣния моего.

Стѹх: Аще беззаконія нѣзриши, Господи, Господи, кто постоит; яко у Тебѣ очищѣние естъ.

Стѹх: Имене ради Твоего потерпѣх Тя, Господи, потерпѣ дѹшѣ моя в слово Твое, уповѣ дѹшѣ моя на Господа.

Стѹх: От стражи ѹтренняя до нѡщи, от стражи ѹтренняя, да уповѣет Израиль на Господа.

Глас 5. Преподобне отче Богоносе Иустине,/ в привременней жизни якоже древнии святѹи подвизался еси/ в пениих и пощениих, и бдениих/ образ быв твоим учеником;/ ныне же ликуеши со Ангелы/ Христа непрестанно славословя/ без семени зачавшагося Архангельским гласом/ и во утробу неискусобрачныя Богоотроковицы всельшагося/ Того моли, Тому помолися, преподобне/ даровати Церкви единомыслие/ мир и велию милость.

Стѹх: Яко у Господа мѹлость, и многое у Него избавлѣние, и Той избѣвит Израилья от всѣх беззаконѹй его.

Преподобне отче Богоносе Иустине,/ в привременней жизни якоже древнии святѹи подвизался еси/ в пениих и пощениих, и бдениих/ образ быв твоим учеником;/ ныне же ликуеши со Ангелы/ Христа непрестанно славословя/ без семени зачавшагося Архангельским гласом/ и во утробу неискусобрачныя Богоотроковицы всельшагося/ Того моли, Тому помолися, преподобне/ даровати Церкви единомыслие/ мир и велию милость.

Стѹх: Хвалѹте Господа всѹ язѹцы, похвалѹте Его всѹ людие.

Преподобне отче Богоносе Иустине,/ обретши, якоже желаше/
боголикую твою душу/ Духа всесладкая благодать в тя вселися/ яко
Премудрости свет/ и богомудраго тя пастыря показа/ Христово
спасительное домостроительство благовестити/ к нам от Девы
плоть приемшаго пришедшего Слова/ Того моли, Тому помолися,
преподобне/ даровати вселенней единомыслие/ мир и велию
милость.

Стѹх: Яко утвердѹся мѹлость Егѹ на нас, и ѹстина Господня пребываает во вѣк.

Преподобне отче Богоносе Иустине,/ воистину сподобился еси
божественныя жизни/ чистейшим богословием и молитвою сию
обрет/ добродетельми бессмертными украсився и Горней жизни
преставился еси/ обожения путь всем рек/ и со Безплотными Христа
непрестанно славословя/ Вочеловечшагося Бога/ и человека богом
соделавшаго/ Того моли, Тому помолися преподобне/ боготворящей
благодати ниспослатися нам/ мира и велия милости.

Слава, глас 2: Благовествует днесь Иустин богоглаголивый/
богочеловеческия красоты высоким проповеданием/ и радуется о
нем Церковь Сербская/ и вси земнии концы свеселятся/ яко удиви
Господь милость Свою на нас/ и яви нам нового молитвенника/ и
предстателя и учителя/ Сего ради вси зовем:/ Радуйся, Иустине
Златоглаголивый/ единоправный Златоусту Божественному/ имже
венчался еси в проповедники/ златотрубными глаголы просвещати
земнии концы.

И ныне, догматик: Прейде сень законная,/ благодати пришедши:/
якоже бо купина не сгараше опаляема,/ тако Дева родила еси/ и Дева
пребыла еси./ Вместо столпа огненнаго/ праведное возсия Солнце,/
вместо Моисея – Христос,/ спасение душ наших.

<далее см. основной Чин>

Изменяемое №2

Прокѹмен после «Свѣте тѹхий»: *См. Прокимен дня <далее см. основной Чин>*

Изменяемое №5

По полиелѣи седален *глас 8:*

Видением и деянием преестественне просияв, облистаети
ученьми, богословие богочеловеческаго пути ясно изъяснил еси,
блаженне, яко прилепляясь Богу, обожение приемлем, прилепляясь

же греху, низвергаемся во ад. Отонудуже возводиши твоим последующия Духоносным учением, от страстей тины к Христоподражательней чистоте, Иустине Богомудре, моли Бога Слова прегрешений оставление подати чтущим любовь святую память твою.

<далее см. основной Чин>

Изменяемое №7

По 50-м псалмѣ стихіра *глас 2:*

Благовествует днесь Иустин богоглаголивый/ богочеловеческия красоты высоким проповеданием/ и радуется о нем Церковь Сербская/ и вси земнии концы свеселятся/ яко удиви Господь милость Свою на нас/ и яви нам нового молитвенника/ и предстателя и учителя/ Сего ради вси зовем:/ Радуйся, Иустине Златоглаголивый/ единоправный Златоусту Божественному/ имже венчался еси в проповедники/ златотрубными глаголы просвещати земнии концы.

<далее см. основной Чин>

Изменяемое №8

Канон *глас 1.*

Песнь 1

Ирмос: Твоя победительная десница/ Боголѣпно в крѣпости прослѣвися:/ та бо, Безсмѣртне,/ яко всемогущая противныя сотрѣ,/ израильтяном путь глубины новосодѣлавшая.

Благодать от Бога приим, благоглаголиве Иустине, яко красный орган явился еси Всесвятаго Духа, воплощение Христово проповедав изящно, темже и моим устам подаждь красно тя восхвалити.

Лепотно воспел еси Трисиятельное Божество, богомудро изъяснил еси тайноводственное учение Церкви, темже яко учителя тя восхваляют Церкви, блаженне.

Ангельски мудрствуя и живя на земли, небесным просвещся откровением, непричастен явился еси скверны греха, яко добродетели изрядный был еси подвижниче.

Богородичен: Господородительнице Пречистая, вся твари Госпоже Пресветлая, умножи милости Твоя, яко тварь вся болезнует, чая откровения сынов воскресения и пришествия Сына Твоего.

Песнь 3

Ирмос: Содѣтельная и содержительная всех/ Бѣжия мудросте и силе,/ непреклонну, недвижиму Церковь утверди, Христѣ,/ Еди́н бо еси́ Свят,/ во святыхъ почиваяй.

Освятился еси пресветлыми лучами Духа Божия, яко пресветлым добродетели путем ходил еси, темже на стези правыя настави тебе хвалящия, Иустине.

Господень был еси ученик преподобне, яко евангельским воспитался еси млеко́м издетска, и благочестными делы украсился еси.

Легкими крылы облетел еси учения, нектар собрал еси мудрости в душевный улий, святе, и небомудренную сладость произвел еси.

Богородичен: Ангелов Царя на руку Твоею носила еси, руки человекоубийственной избавившего человечество и со Ангелы сченившего праведных род.

Седален, глас 7: Миру распялся еси, преподобне, яко на крест молитвенным созерцанием воздвигл еси себе, и мира неразумие распял еси острыми гвоздьми учений твоих. Сего ради познание Истины яко свет воскресения областал еси, отче Иустине, имже и нам облистатися моли Спаса Христа.

Песнь 4

Ирмос: Вѣлия тайна/ Твоего, Христѣ, смотрѣния:/ сию́ бо свѣше провидя Богозрительно, Авваку́м,/ изшел еси́, вопияше Тебѣ,/ во спасѣние людей твоих,/Человеколю́бче.

Глас Слова быв Иустине, Предтече подражая рачением, яко покаяние падшим проповедал еси и обличил еси властей предержащих неправедное.

Онебесил еси житие твое мудре, со святыми на небеси душею живя, яко и на земли подражати их праведному житию непрестая.

Лик Христов напечатлел еси в души твоей богообразней и был еси подражатель Христовых скорбей, яко терновый венец скорбей носил еси Иустине, боля о всей твари.

Богородичен: Из ложесн Твоих Девических Правды возсия Солнце, всю просвети вселенную пресвятыми лучи, и мою отемненную душу беззаконными делы, просвети, Пречистая, Твоими молитвами.

Песнь 5

Ирмос: *О Всевѣдче, царѣй славо,/ кто Твоему человеколюбію земнорѣдных не удивѣтся?/ На земли бо явился еси, не оставль Отѣческих,/ днесь всю обновляяй тварь/ и мир, яко еди́н Миронача́льник, подаяй.*

Востекл еси на мысленныя горы боговедения, премудре, и тайны постигл еси богочеловеческия чистым умом, ихже проповедал еси неустанно отче Иустине, нашу богатыя нищету.

Апостольски поревновав о Бозе Спасе твоём, и во всеоружия одеаяся Всесвятаго Духа, и прелесть мудрования мирскаго, огнем проповедания преподобне попалив, сердца распалил еси учеников твоих благодатию.

Господню ризу украсил еси бисером твоих учений, и яко нешвенный хитон соткал еси труды твоими православную философию истины, сего ради тя ублажаем Иустине.

От источников неизсякаемых воду богословия почерпл еси, яко святоотеческий обрет кладезь православнаго предания, имже напоил еси чад твоих Иустине авво преподобне.

Богородичен: Изтече из утробы Твоея исцелений река, напаяющая землю изсохшую преступлением яко Господа родила еси Пречистая Дево, Иже землю на водах повесивый.

Песнь 6

Ирмос: *Морскій пучинорѣдный кѣтов внѣтренний огонь —/ триднѣвнаго Твоего погребѣния проображѣние,/ егѣже Иѡна проро́к показáся./ Спасѣн бо, яко и предпослáся, невреждѣн, вопіяше:/ пожру́ Ти со гласом хвалѣнія, Гѣсподи.*

Ум херувимскій стяжал еси, отче, якоже тайны богочеловеческия миру благовестил еси, и очи чистотою слезящія, имел еси. Имиже проплакаша всякая тварь богоблаженне.

Смиренномудрием одеаяся яко сын царев, и правды венец терновый на челе твоём Иустине носивый, сего ради общник страstem Христовым явился еси и сонаследник горнего царствія.

Тверже адаманта бысть исповедание богочеловеческого твоего пути, имже блажняхуся немощные умы, отче богомудре, но аще аз Иона - рекл еси Иустине - вверзите мя в море, да утишится буря и спасется корабль Церкви Сербския.

Богородичен: Иисуса Господа зачала еси паче чаяния Твоего Богоневесто, смиренномудрием украсшеся яко невестническою лепотою. Сего ради Мати явилася еси Безначального Слова, Емуже яко Раба поклонилася еси со Отцем и Духом.

Кондак, глас 4: Яко Божественную лестницу обретохом Иустине преподобне, твоя Боженственная поучения, к небеси ны возводящая, якоже учил еси, житием вообразил еси. Тем ти зовем: радуйся, православный философе Истины.

Икос: С небесных кругов слетев иногда Гавриил Архангел благовестити Деве Примирную Радость. Ты же, отче, на небесныя круги херувимским твоим востекл еси умом, и примирныя тайны постигл еси Богочеловеческия, к нам пришел еси яко учитель изящнейший, и изъяснил еси в няже Ангели жаждают приникнути. Сего ради с любовью тебе зовем: Радуйся, православный философе Истины.

Песнь 7

Ирмос: Всецаря любóвию уловлénнии, óтроцы/ укорíша безчísленно ярящася мучíтеля злóbожное языковрédие,/ ýмже повинúся огонь мнóгий,/ Владýще глагóлющим:/ во вéки благословén есú.

На небесную яко востекл еси стезю, стезями правыми ходивый по земли богоподражательне, темже научи ны уклоняться от пропастей греха и ходити богочеловеческим путем всеистины.

Ангельское житие показавый на земли, пощением усмиривый старстей возстание, и молитвою оомолитвевый всю твою жизнь, благословен еси, Боже наш, непрестанно взывающе.

Божиими красотами украсивыйся, Христу последуя, Христа любя всею душою, с Нимже и сочтался еси богосодетельным единением, и был еси яко красныя Христовы уста, Иустине.

Богородичен: Ложесна Твоя Чистая, яко Престол показашася Царский, на нихже упокоися Христос Господь. Егоже милостива мне сотвори Богорадованная, унынием и нищетою содержамаго.

Песнь 8

Ирмос: Премудростию и Слово́м вся со́ставляшаго Бо́га,/ от язы́ков и ва́рваров избáвльшаго нас,/ о́троцы, по́йте,/ свяще́н ницы, просла́вите,/ лю́дие, превозно́сите во вся ве́ки.

Архангельским благовестием рождество твое почтеся, яко неустанным благовестником быв на земли, и даже до смерти не престал еси дело благовестника темже в Благовещение и представился еси.

Грееши чад твоих, Иустине, ученьми твоими яко доилица духом посещая стадо твое, и обходиши всюду Церковь сербскую и с нею поеши: священницы, прославите, людие превозносите Христа во вся веки.

Основание непоколебимое Церкви оставив богомудре, твое богословие богочеловеческого пути, имже просвещаются на земли живущии и христоносцами бывают благословяще Его во вся веки.

Троицен: В триех Лицах Единого Бога воспевают тригубо небесное воинство, в человеце Благоволившего вселиться всем Божеством и Невидимаго воображенного во плоти одушевленной во Отце со Духом на престоле славы сидящего.

Богородичен: От земных отступала еси, Девомати чистотою явльшися выше херувим, темже Почивающий на них вселься в Тя, Богорадованная, и твердь Тя умную показав.

Пёснь Богоро́дицы: Вели́чит душа́ моя́ Го́спода: *<см. основной Чин>*

Песнь 9

Ирмос: Иже вышнюю глубину Божественного непостижения/ благочестно отверз/ ум, яко из камене необъемлемыя/ Богоначальныя возвысил еси Троицы, всеблаженне отче,/ тя величаем.

Святосавское дело продолжил еси на земли, благовествуя в Церкви Сербстей Христобогочеловеческое совершенство, темже к

Савве боголикому отшел еси, яко ко Авраамову покоищу, с нимже молися о тя величающих.

Подвигом добрым подвизався, веру яко святосиянный адамант стяжав, святотроичным богословием яко прашею Давидовою, враги Церкви победив. Темже от Христа неувядаемым венцем увязлся еси, Иустине, моли о всех тя почитающих.

Отверзи твоя уста богоглаголивья Иустине и Троицу Преблагостную умоли, умирить мир, Церкви кафоличестей даровати всеправославное единение, и обожение ниспослати всем кротким земли.

Богородичен: Юница Божественная, Отроковице Всечестная, Божественного Юнца моли Егоже родила еси несказанно: обновити мир обветшавший страстьми и младенствовати злобою православным христианом и юношески возрастати в добродетели.

<далее см. основной Чин>

Изменяемое №9

Светилен глас 1:

Яко полная луна на тверди возсиял еси Церкви Сербстей, ночь рассеявая мрачного греха, и сосветя Николаю солнцезрачному проповеднику, мир озаряя богоразумием. Темже молитесь о нас всегда.

<далее см. основной Чин>

Изменяемое №10

На стиховне стихиры глас 1:

Богоносе Иустине,/ Бога Слова блавестниче,/ превысоким богословием украсивый Церковь/ якоже и цветы благочестия возрадив в души твоей/ явился еси живоносный сад Церкви Сербския/ и молитвенник прилежный о всех нас.

Стих: Блавестите день от дне/ спасение Бога нашего.

Богомудре отче Иустине,/ догматы яко башню крепкую водрузил еси/ и лжеименный разум яко вавилонский столп сокрушил еси/ истину в Богочеловеке воплощенную блавестил еси/ и непобедимый явился еси поборник православия/ моли спастися всем нам.

Стих: Честна пред Господем/ смерть преподобных Его

Богоблаженне Иустине,/ воине крепкий Христа Бога,/ на демоны
яко вооружився непрестанным молением/ и страсти низложив
крепким пощением/ добродетелей собрав великое множество/ и
святое житие/ яко победоносный трофей принесл еси Христу.

Слава, глас 6: Яко серп изострив слово/ и плевелы посекал еси новых
ересей/ ноги твоя красны содеяв благовествуя миру Вышний мир/
на умовредныя страсти ополчился еси доброделанием/ и копием
смирennemудрия разорил еси бесовския полчища/ победными
почестями украсился еси/ и от Бога прием нетленный венец/ Сего
ради предстоя престолу Вседержителя/ молися со дерзновением/ о
стаде твоём, отче Иустине/ избавитися нам от сетей льстиваго змия/
и улучшить милость в день Судный.

И ныне, Богородичен: Творец и Избавитель мой, Пречистая,/ Христос
Господь, из Твоих ложесн прошед,/ в мя оболкийся, первыя клятвы
Адама свободи./ Темже Ти, Всечистая,/ яко Божии Матери же и Деве,/
воистинну вопием немолчно:/ радуйся, Ангельски, радуйся,
Владычице,/ предстательство и покрове,/ и спасение душ наших.

<далее см. основной Чин>

Утром 14 июня

Изменяемое №11

По 1-м стихословии седальны *глас 4:*

Мертвых помышлений отвратився преблаженне Иустине, и
возжелел еси служити Живому Богу, яко всякую мысль верою
Христовою облагоухал еси и был еси причастник Животворящего
всякое дыхание Духа. Сего ради оживотвори молитвами твоими,
вкупе же и поученьми омертвевшия души наша, да в радости с
тобою Воскресшему Христу поем: Аллилуия.

Слава, и ныне, Богородичен: *<далее см. основной Чин>*

Изменяемое №12

По 2-м стихословии седальны *глас 1:*

Собрал еси в души Божественное богатство Духа отче Иустине,
непорочную молитву богословие точащую, бдение всегдашние,
чистоту и воздержания труды, имиже дом познался еси Божий. Сего
ради от непотребных дел и страстей безчестия свободитися нам

умоли Христа, да дома Духа Святаго явимся, твоим добродетелем возследствующа.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 8:*

Православия сладость и нектар,/ отче преподобне,/ излиал еси в сердца верных яко богатство,/ житием своим и учением явив себе яко живая книга Духа,/ Иустине Богомудре,/ моли Христа Бога Слова/ да обогословит тя почитающих.

<далее см. основной Чин>

Изменяемое №14

На хвалíteх стихíры:

Стíх: Сотвори́ти в них суд напíсан./ Сла́ва сия́ бу́дет всем преподо́бным Егó.

Стíх: Хвалíte Бо́га во святы́х Егó,/ хвалíte Егó во утвержде́нии си́лы Егó.

Стíх: Хвалíte Егó на си́лах Егó,/ хвалíte Егó по мно́жеству вели́чества Егó.

Глас 1: О дивное чудо,/ источник богословия отверзися/ напаяяй разумы боговедения/ веселитися о сем Церковь Сербская/ Святосавский святы́й доме/ возопиим вернии/ Иустина имуще яко учителя/ Благословен еси Господи/ яко во плоти к нам пришел еси/ подай миру Собою велию милость.

Стíх: Хвалíte Егó во гла́се тру́бнем,/ хвалíte Егó во псалти́ри и гу́слех.

О дивное чудо,/ источник богословия отверзися/ напаяяй разумы боговедения/ веселитися о сем Церковь Сербская/ Святосавский святы́й доме/ возопиим вернии/ Иустина имуще яко учителя/ Благословен еси Господи/ яко во плоти к нам пришел еси/ подай миру Собою велию милость.

Стíх: Хвалíte Егó в тимпа́не и ли́це,/ хвалíte Егó во стру́нах и орга́не.

О дивное чудо,/ источник жизни/ от бранных устен исходит/ и лестница к небеси боговещанная глаголы бывают/ Веселитися о сем Иустин премудрый/ богословия троичнаго яко дом явися/ возопиим вернии:/ Радуйся преподобный наш учителю/ яко тобою восприяхом от Христа велию милость.

Стíх: Хвалíte Егó в кимва́лех доброгласных, хвалíte Егó в кимва́лех восклицáния./ Вся́кое дыха́ние да хва́лит Го́спода.

Дивны твоя тайны, Иустине,/ добродетельми яко звездами украсивыйся/ и ночь неразумия прогнал еси/ трисвятосолнечнаго Бога в сердце стяжав/ и тайны евангельския боготворящая души наши яве раскрыв/ херувимским богословием нас озарив/ и к Небесным обителем светло возшел еси/ идеже со всеми святыми Троице предстоя/ молися, преподобне,/ даровати нам велию милость.

Слава, глас 6: Преподобне отче Иустине/ во всю землю изыде вещание исправлений твоих:/ темже на небесех обрел еси мзду трудов твоих/ демонская разорил еси полчища/ и ангельския достигл еси чины/ ихже житию непорочно поревновал еси./ дерзновение имея ко Христу Богу/ мир испроси душам нашим.

И ныне, Богородичен: <см. основной Чин>

Изменяемое №15

Кондак глас 4:

Яко Божественную лествицу обретохом Иустине преподобне, твоя Божественная поучения, к небесы ны возводящая, якоже учил еси, житием вообразил еси. Тем ти зовем: радуйся, православный философ Истины.

<далее см. основной Чин>

На Литургии

Изменяемое №20

Прокимен, глас 7: Честна пред Господом/ смерть преподобных Его.

Стих: Что воздам Господеву о всех, яже воздаде ми?

Изменяемое №21

Аллилуйя, глас 6: Блажен муж, бояйся Господа, в заповедех Его восхощет зело. *Стих:* Стих: Сильно на земли будет семя его.